

孟東野詩集

賈浪仙長江集

李賀歌詩編

沈下賢文集

孟東野詩

集十卷

四部叢刊初編集部

上海商務印書館縮印
杭州葉氏藏明弘治本

孟東野以詩鳴于中唐之間
極為昌黎韓子所稱重至如
聯句諸作與韓公角奇爭雋
不肯相下可謂雄矣先輩且
有東野潤色退之之說雖未
必然要其所成就終非翺湜
所可班顧其辭意傷於晦澁
無盛唐大家雄渾醞藉之風
亦器量使之然哉提學楊按
察邃菴先生以全集不多見
出所抄本屬商州梓行之維
時同知于君睿奉命惟謹閱
兩月工完先生欲晟識其後
嗚呼末學小子於名家述作

何敢妄贅一言然先生嘉惠
後學與同知君勤事奉公之
美不可以不白也於是乎書
弘治己未春正月望日後學
汝南強晟識

孟東野詩目錄

山南西道節度參謀試大理評事平昌孟郊

第一卷

樂府上



列女操

灞上輕薄行

長安羈旅行

長安道

送遠吟

古薄命妾

古離別

古雜怨三首

靜女吟

歸信吟

山老吟

遊子吟

小隱吟

苦寒吟

猛將吟

傷哉行

古怨

湘絃怨

楚竹吟

遠愁曲

貧女詞

邊城吟

新平歌

殺氣不在邊

結愛

絃歌行

覆巢行

出門行二首

湘妃怨

巫山曲

巫山高

楚怨

塘下行

臨池曲

車遙遙

征婦怨四首

空城雀

閑怨

羽林行

古意

古別離

遊俠行

黃雀吟

有所思

求仙曲

嬋娟篇

南浦篇

清東曲

第二卷

樂府下

織婦辭

古意

折楊柳二首

塞上吟

古怨別

古別曲

樂府三首

附陸長源答

勸善吟

望夫石

寒江吟

感興上

審交

怨別

百憂

路病

衰松

遣興

退居

隱士

春日有感

傷時

偶作

贈農人

罪松

感懷八首

暮秋感思二首

勸友

陸長源答附

第三卷

感興下

亂離

去婦

聞砧

自歎

投所知

感懷

結交

卧病

獨愁

將見故人

寓言

勸學

長安早春

感興

達士

古典

夷門雪贈主人

先歌二首

勸酒

君子勿鬱鬱二首

遊子

求友

病客吟

離思

傷春

擇友

惜苦

出東門

訪疾

冬日

偷詩

自惜

詠懷上

湖州取解述情

詠懷

秋夕貧居述懷

再下第

失意寄劉侍御

歎命

商州客舍

長安羈旅

登科後

歸義興莊居

第四卷

詠懷下

夜憂

寒地百姓吟

教坊歌兒

酒德

飢雪吟

晚雪吟

老恨

落第

病起言懷

夜感自遣

下第東歸

下第東南行

遠遊

長安旅情

渭上思歸

初於洛中選

養病呈從叔了雲

秋懷十五首

靖安寄居

雪

春愁

懷憊

遊適上

遊城南韓氏莊

與友秋宵會話

夜集

招文士飲

遊城南山墅

登華嚴寺樓

遊終南山

遊龍池寺

櫻桃亭春燕

遊華山雲臺觀

宿李秀才池亭

邀花伴

石淙十首

遊韋七別業

越中山水

皇甫秀才山亭

和遊琅琊溪

第五卷

遊適下

陪陸中丞公燕

喜張從事至

汝州郡齋聽琴

同年春燕

奉招陳侍御

遊石龍澗

浮石亭

看花五首

濟源春

濟源寒食七首

遊枋口二首

遊枋口柳溪

遊昭城寺

嵩少

旅次洛城東水亭

洛橋晚望

居處

北郭貧居

題陸鴻漸山舍

題韋承總幽居

惠聚寺僧房

題從叔述靈巖堂

題花巖寺書牕

藍溪元居士草堂

新卜青羅幽居

附陸長源答

題藏書洞

生生亭

寒溪九首

立德新居十首

第六卷

行役

西上經靈寶觀

泛黃河

宿峽陵寄李侍御

鴉路溪行

獨宿峴首

謁復州盧使君

夢澤行

京山行

旅次湘沅懷靈均

過彭澤

過分水嶺

分水嶺別從弟寂

連州吟三章

檢行

紀贈

上河陽李大夫

投贈張端公

贈蘇州韋使君

上張徐州

上包祭酒

贈崔純亮

贈文應上人

嚴河南

贈李觀

贈從弟楚客

贈章仇將軍

贈道月上人

杼情上叔

贈城郭道士

贈李明府

獻漢南樊尚書

贈轉運陸中丞

贈萬年陸郎中

獻坐主呂侍郎

古意贈梁肅補闕

贈黔府王中丞楚

上達溪舍人

贈主人

贈建業契公

獻襄陽千大夫

贈鄭夫子魴

大隱詠三首

贈韓郎中愈二首

戲贈無本二首

第七卷

懷寄

寄張籍

憶周秀才素上人

舟中喜遇從叔簡

懷南岳隱士二首

春夜憶蕭子真

寄院中諸公

寄洛州李大夫

寄盧度使君

寄崔純亮

憶韓愈李翱

寄張籍

寄義興小女子

憶江南弟

寄澹公

寄陝府鄧給事

奉寄諫議十六叔

寄鄭軍事唐二

酬答

答友人

酬友人見寄新文

答韓愈李觀別

答書上人止讒作

答姚怱見寄

答郭郎中

答盧虔故園見寄

從弟楚材見贈

酬盧殷少府

酬李侍御

答盧仝

奉答張舍人

送別上

送從弟郢東歸

送從叔簡赴舉

送別崔寅亮

送柳淳先入關

送無懷道士

送溫初

送盧虔端公

送任齊二秀才

送曉公

送豆盧策歸別墅

送清遠上人

送從叔簡

送蕭鍊師

第八卷

送別下

感別送從叔簡

送玄亮師

送李尊師玄

送郭秀才

送鄒儒立少府

送從叔校書南歸

送韓愈從軍

送河南裴文學

送李習之

送人歸山

送從舅端適楚地

送盧汀侍御

送獻上人

送獨孤秀才

送崔爽之湖南

送超上人歸天台

送王鍊師

送岑秀才

送黃構

送道士

送孟寂赴舉

送孫秀才

餞陳明府

送柳惲

送殷秀才

送青陽上人

送新羅使

送第郢

送陸暢

送淡公十二首

送魏端公入朝

送盧郎中汀

送鄭僕射

別妻家

贈姚怱別

贈盧使君虔別

與韓愈李謝張別

東齋會別

汴州別韓愈

贈別殷山人

奉別鄭相公二首

第九卷

詠物

海柳詠

搖柳

曉鶴

和薔薇花歌

邀人賞薔薇

石楠樹

酬鄭毗躑躅詠

品松

苔小榭味

井上枸杞架

蜘蛛諷

蚊

蠟蛾

和甘露

雜題

和題項羽廟

讀張碧集

聽琴

聞夜啼贈劉正元

喜雨

終南山下作

觀種樹

春後雨

答友人贈炭

爛柯石

尋言上人

噴玉布

姑蔑城

崢嶸嶺

尋裴處士

子慶詩

態觀公法堂

春霖奉贈陳侍御

潭陽秋霽

列仙文

右方諸青童君

清虛真人

金母飛空歌映度

謁智遠禪師

訪嵩陽道士不遇

聽說維摩經

借車

喜符即詩有天縱

憑周況乞茶

上昭成閣

田書不立非夫人

讀經
喜盧仝船歸洛

第十卷

哀傷

弔國殤

弔比干墓

弔元魯山十首

哭李觀

弔李元賓遺字

悼湯衡評事

哀孟雲卿荒居

哭盧貞國

傷舊遊

弔房十五次卿
哭祕書包大監

悼幼子

悼亡

弔李元賓墳

覽崔英遺文

峽哀十首

杏殤九首

弔春梅

哭李丹負外

哭劉言史

弔唐殷十首

聯句

遣興聯句

有所思聯句

贈劍客李園聯句

讚

讚維摩詰

書

上常州盧使君書

又上養生書

孟東野詩集目錄

孟東野詩集目錄

孟東野詩集卷第一

山南西道節度參謀試大理評事平昌孟郊

樂府上

列女操

梧桐相待老鴛鴦會雙死貞婦貴徇夫捨生亦
如此波瀾誓不起妾心井中水

灞上輕薄行

長安無緩步況值天景暮相逢灞滻間親戚不
相顧自嘆方拙身忽隨輕薄倫常恐失所避化
為車轍塵此中生白髮疾走亦未歇一作不得歇

長安羈旅行

十日一理髮每梳飛旅塵三旬九過飲每食唯
舊貧萬物皆及時獨余不覺春夫名誰肯訪得
意爭相親直木有恬翼靜流無躁鱗始知喧競
場莫處君子身野策藤竹輕山蔬薇蕨新潛歌
歸去來事外風景真

長安道

胡風激秦樹賤子風中泣家家朱門開得見不
可入長安十二衢投樹鳥亦急高閣何人家笙
篴正喧吸

送遠吟

河水昏復長河邊相送頻離盃有淚飲別柳無
枝春一笑忽然斂萬愁俄已新東波與西日不
惜遠行人

古薄命妾

不惜十指絃為君千萬彈常恐新聲至至使
鞭故聲一作殘棄置今日悲即是昨日歡將新
變故易持故為新難青山有蘼蕪淡葉長不乾
空令後代人採掇幽思攢一作思

古離別

松山雲縵繞萍路水分離雲去有歸日水分無
合時春芳符雙眼春色柔四支楊柳織別愁千
條萬條絲

古樂府雜怨三首

憶人莫至悲至悲空自表寄人莫翦衣翦衣未
必歸朝為雙帶花暮為四散飛花落却迷樹遊
子不顧期

天桃花清晨遊女紅粉新天桃花薄暮遊女紅
粉故樹有百年花人無一定顏花送人老盡人
悲花自開

貧女鏡不明寒花日少容暗蛩有虛織短線無
長縫浪水不可照狂夫不可從浪水多散影狂
夫多異蹤持此一生薄空成萬一作恨濃

靜女吟

艷女皆妬色靜女獨檢蹤任禮恥任縱嫁德不
嫁容君子易求聘小人難自從此志誰與諒琴
絃幽韻重

歸信吟

淚墨洒為書將寄萬里親書去魂亦去兀然空
一身

山老吟

不行山下地唯種山上田畚斧斫放松手豈汲
家泉詎知文字力莫記日月遷蟠木為我身始
得全天年

遊子吟

慈母手中線遊子身上衣臨行密密縫意恐遲
遲歸誰言寸草心報得三春暉

小隱吟

我飲不在醉我歡長寂然酌溪四五盞聽彈兩
三絃鍊性靜棲白洗情深寄玄一作號怒路傍

子貪敗不貪全

苦寒吟

天色寒青蒼北風叫枯桑厚冰無裂文短日有
冷光敲石不得火壯陰正奪陽調苦竟何言凍
吟成此章

猛將吟

擬膾樓蘭肉一作蓄怒時未揚秋聲無退聲夜
劍不隱光虎隊手驅出豹篇心卷藏古今皆有
言猛將出北方

傷哉行

舉毒意貞松一枝難久榮豈知黃庭客仙骨生
不成春色捨芳蕙秋風遠枯莖彈琴不成曲始
覺知音傾館月改舊照吊實寫餘情還舟空江
上波浪送銘旌

古怨

試妻與君淚兩處滴池水看瓦芙蓉花今年為
誰死

相絃怨

味者理芳草萋蘭同一動狂一作聽怒一作秋
林曲直同一枯嘉木忌深蠹哲人悲巧誣靈均

入迴流新尚為良謨我願分泉泉清濁各異渠
我願分泉泉臭相遠居此志諒難保此情竟
何如相絃少知意孤響空踟躕

楚竹吟酬盧虔端公見和相絃怨

握中有新聲楚竹人未聞識音者謂誰清一作
夜吹贈君昔為瀟湘引曾動瀟湘雲一叫鳳吹
聽再驚鶴失一作羣江花匪秋落山日當書
衆濁響雜皆孤清思氛氳欲知怨有一作形願
向明月分一掬靈均淡千年湘水文

遠愁曲

颺颺何所從遺塚行未逢東西不見人哭一作
向青青松此地有時盡此哀無處容聲翻太白
雲淡洗藍田峯水涉七八曲山一作登千萬重
願 玄夜月一作出視白日蹤

貧女詞寄從叔先輩簡

蠶一作女非不勤今年獨無春二月冰雪添死
盡萬木身時令自逆行造化豈不仁仰企碧雲
仙高控滄海雲永別勞苦場颺颺遊無垠

邊城吟

西城近日水一作天俗稟氣候偏行子獨自渴

人仍賣泉燒烽碧雲外牧馬青坡嶺何處鶴突
夢歸思寄仰一作酒一作眠

新平歌送許問

造柳三四尺暮春一作離別歌早迴儒士駕春
飲土番河誰識一作中寶楚雲章句多

殺氣不在邊

殺氣不在邊凜然中國秋道險不在山平地有
摧斬河南又起兵清濁俱鎖流豈唯私客艱擁
滯官行舟況余隔晨昏去家成阻情忽然兩鬢
雪固是一日愁獨寢夜難曉起視星漢浮涼風
蕩天地日夕聲颺颺萬物無少色北人皆老憂
長策苟未立丈夫誠可羞靈響復何事劍鳴思
戮讎

結愛

心心復心心結愛務在深一度欲離一作別千
迴結衣襟結妾獨守志結君早歸意始知結衣
裳不如結心腸坐結行亦結結盡百年月

絃歌行

驅儻擊鼓吹長笛瘦鬼染面惟齒白暗中翠
找茅鞭保足朱禪行戚戚相顧聲衝庭燎桃

張射矢時獨叫

覆巢行

荒城古木枝多枯飛禽嗷嗷朝哺鷓鴣枝傾巢覆
鵝墜地烏鳶下啄更相呼陽和發生均孕育鳥
獸有情知不足枝危巢小風雨多未容長成已
先覆靈枝珍木滿上林鳳巢阿閣重且深爾今
所託非本地烏鳶何得同一作爾心

出門行二首

長河悠悠去無極百齡同此可歎息秋風白露
沾人衣壯心凋落奪顏色少年出門將訴誰川
無梁兮路無岐一聞陌上苦寒奏使我佇立驚
且悲君今得意厭梁肉豈復念我貧賤時

海風蕭蕭天雨霜窮愁獨坐夜何長驅車舊憶
太行險始知遊子悲故鄉美人相思隔天關長
望雲端不可越手持琅玕欲有贈愛而不見心
斷絕南山峩峩白石爛碧海之波浩漫漫參辰
出沒不相待我欲橫天無羽翰

相妃怨一作相靈祠

南巡竟不返二妃怨一作逾積萬里喪娥眉滿
湘水空碧冥冥荒山下古廟收貞魄喬木深青

春清光滿一作瑶席奪芳徒有薦靈意味脉脉
玉珮不可親徘徊煙波夕

巫山曲

巴江上峽重復重陽臺碧峭十二峯荆王獵時
逢暮兩夜卧高丘夢神女輕紅流煙濕艷姿行
雲飛去明星稀目極竟斷望不見猿啼三聲淚
滴衣

巫山高

見盡數萬里不聞三聲猿但飛蕭蕭雨中有亭
亭竟千載楚襄恨遺文宋玉言至今晴明天作
雲結深閨門

楚怨

秋入楚江水獨照泪羅鬼手把綠荷泣意愁珠
淚翻九門不可入一犬吠千門

塘下行

塘邊日欲斜年少早還家徒將白羽扇調妾木
蘭花不是城頭樹那棧來去鴉

臨池曲

池中春蒲葉如帶紫菱成角蓮子大羅裙蟬鬢
寄迎風雙雙伯勞飛向東

車遙遙

路喜到江盡江上又通舟舟車兩無阻何處不
得遊丈夫四方志女子安下留即自別日言無
令生遠愁旅鴈忽叫月斷猿寒啼秋此夕夢君
夢君在百城樓寄淚無因波寄恨無因鞞願為
馭者手與郎迴馬頭

征婦怨四首

良人昨日去明月又不圓別時各有淚零落青
樓前君淚滿羅巾妾淚滿路塵羅巾長在手今
得隨妾身路塵如得風得上君車輪
漁陽千里道近如中門限中門踰有時漁陽長
在眼生在綠絲一作羅下不識漁陽道良人自戍
來夜夜夢中到

空城雀

一雀入官倉所食寧損幾祇慮往覆頻官倉終
害爾魚網不在天鳥羅不張水飲啄要自然可
以空城裏

閑怨

妾恨比斑竹下盤煩冤根有筍未出土中已含
淚痕

羽林行

朔雪寒斷指朔風勁裂冰胡中射鵬者此日猶
不能翩翩羽林兒錦臂飛蒼鷹揮鞭快白馬走
出黃河凌

古意

河邊織女星河畔牽牛郎未得渡清淺相對遙
相望

古別離

欲別牽郎衣郎今到何處不恨歸來遲莫向臨
邛去

遊俠行

壯士性剛決火中見石裂殺人迴頭輕生如
鬻別豈知眼有淚肯白頭上髮平生無恩酬
闕一百月

黃雀吟

黃雀舞承塵倚恃主人仁主人忽不仁買彈彈
爾身何不遠飛去蓬蒿正繁新蒿粒無人爭食
之足為珍莫覩翻車粟覩翻罪有因黃雀不知
言贈之徒慙慙

有所思

桔棹烽火晝不滅客路迢迢信難越古鎮刀攢
萬片霜寒江浪起千堆雪此時西去定如何空
使南心遠凄切

求仙曲

仙教生為門仙宗靜為根持心若妄求服食安
足論錘惑有靈藥餌真成本源自當出塵網馭
鳳登崑崙

嬋娟篇

花嬋娟泛春泉竹嬋娟籠曉烟妓嬋娟不長妍
月嬋娟真可憐夜半姮娥朝太一人間本自無
靈匹漢宮承寵不多時飛鷺婕妤相妬嫉

南浦篇

南浦桃花亞水紅水邊柳絮由春風鳥鳴啣
煙濛濛自從遠送對悲翁此翁已與少年別唯
憶深山深谷中

清東曲

櫻桃花參差香雨紅霏霏笑競攀折美人濕
羅衣采采清東曲明眸艷珪玉青中船上郎上
下看不足南陽公首詞編入新樂錄

孟東野詩集卷第一

孟東野詩集卷第二

山南西道節度參謀試大理評事平昌孟郊

樂府下

織女辭

夫是田中即妾是田中女當年嫁得君為君東
機杼筋力日已疲不息窻下機如何織紵素自
着藍縷衣官家榜村路更索栽桑樹

古意

蕩子守邊戍佳人莫相從去來年月多苦愁改
形容上山復下山踏草成古蹤徒言採靡蕪十
度不一逢鑿獨是明月識志唯寒松井桃始開
花一見悲萬重人顏不再春桃色有再濃指氣
入空房無慘乍從容啓貼理針線非獨學裁縫
手持未染綵繡為白芙蓉芙蓉無染汚將以表
心素欲寄未歸人當春無信去無信及增愁愁
心緣隴頭願君如隴水冰鏡_{一作}_{一作}究究青絲
紀織織白玉鈎玉鈎不虧缺青絲無斷絕迴還
勝雙手解盡心中結

折楊柳二首

楊柳多短枝短枝多別離贈遠累攀折柔條安

得垂青春有定節離別無定時但恐人別促不
怨來遲邊莫言短枝條中有長相思朱顏與綠
楊併在別離期

樓上春風過風前楊柳歌枝踈緣別苦曲怨為
年多花驚燕地雲葉映楚池波誰堪別離此狂
戍在交河

和丁助教塞上吟

哭雪復吟雪廣文丁夫子江南萬里寒曾未及
如此整頓氣候誰言從生靈始無令惻隱者哀
衰不能已

古怨別

颼颼秋風生愁人怨離別含情兩相向欲語氣
先咽心曲千萬端悲來却難說別後唯所思天
涯共明月

古別曲

山川古今路縱橫無斷絕來往天地間人皆有
離別行衣未束帶中腸已先結不用看鏡中自
知生白髮欲陳去留意聲向言前咽愁結填心
曾茫茫若為說荒郊煙莽蒼曠野風凄切處處
得相隨人那不如月

樂府戲贈陸大夫十二丈三首

蓮子不可得荷花生水中猶勝道傍柳無事作
時蕩春風

綠萍與荷葉同此一水中風吹荷葉在綠萍西
復東

蓮葉未開時苦心終日卷春水一作徒蕩漾荷
花未開展

戲荅

陸長源

芙蓉初出水菡萏露中花風吹着枯木無奈值
空槎

勸善吟

聯會中贈郭行始

瘦郭有志氣相衰老龍鍾勸我少吟詩俗窄難
爾容一口百味別沉在醉會中四座正當喧片
言何由通顧余味時調居止多踈慵見書眼始
開聞樂耳不聰視聽互相隔一身且莫同天疾
難自醫詩僻將何攻見君如見書語善千萬重
自悲咄咄感變作煩惱翁煩惱不可欺一作不
劍古劍還亦雄知君方少年少年懷古風藏書
拄屋脊不借與凡輩我願拜少年師之學崇崇
從他笑為矯矯善亦可宗